

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.4 Ng.5

Liggaeuq gvejmaux nienz nyinh ndwenngaih cibngux

Geizsoq: Gungh daih 3567 geiz

Lungzlinz Gak Cuz Swciyen Angqhoh Laebbaenz 70 Hopbi 隆林各族自治县喜庆成立 70 周年

3 nyied 28 hauh, Lungzlinz Gak Cuz Swciyen gawjhengz angqhoh daihhoh, angqhoh swciyen laebbaenz 70 hopbi. Daengx Guek Yinzda Minzveij、Guekgya Minzveij Cuk-hohdonz, Swcigh Daibyauidonz、Baksaek Si Daibyauidonz caeuq gak fueng hekbengz daengz Lungzlinz caeuq gak cuz ginzung doengcaez angqhoh.

Daengx Guek Yinzda Minzveij、Guekgya Minzveij Cukhohdonz donz-cangj Vwnh Ginh doiq Lungzlinz 70 bi daeuj au ndaej gij cingzcik haenx guh'ok haengjdingh caeuq cukhoh. De naeuz, Lungzlinz Gak Cuz Swciyen 70 bi daeuj cingzcik hungloet, daejyienh ok minzcuz cwngecwz caeuq minzcuz gihiyz swci cidu Dangj raeuz sizcen baenzgoeng, cingqmingz Cunghgoz Gungcanjdangj lingjdauj dwg gij gaenbonj bauj-cingq minzcuz digih mwnhoengh hwnghat, diuz roen cingqdeng gajgez minzcuz vwndiz miz gij daegsaek Cungguek ndei fouzbeij, Cunghvaz Minzcuz ranz vunz ndeu bauyungz caeuq comzrengz gig ak. Maqmuengh Lungzlinz Gak Cuz Swciyen ganbu ginzung nyinhcaen hagsib doekguh aen swhsiengj youqgaenj Siz Ginbingz cungjsuhgi gvendaengz gyagiengz caeuq gajndeih hong minzcuz、gij gangvah cingsaenz youqgaenj Siz Ginbingz cungjsuhgi cazyawj Gvangjsih le gangj de, laegdaeuq roxyiuj gij eiqngaih gietdingh “song aen doek-

dingh”, giengiet guhdaengz “song aen henhoh”, mboujduenh couqmaenh gij seiqsik caezcaemh Cunghvaz Minzcuz, doicaenh seizdaih moq hong minzcuz Dangj fazcanj ndeiraeuh.

Swcigh Daibyauidonz donzcangj, Swcigh Dangjveij cangzveij、Dungj-canbu bucanj Vangz Sinhfu daibyaui Swcigh Dangjveij、Yinzda Cangz-veijvei、Cwnghfuj、Cwnghhez、Gvangjsih Ginhgih caeuq daengx gih gak cuz yinzminz, cukhoh Lungzlinz gak cuz beixnuengx. De naeuz, 70 bi daeuj daegbied dwg Cibbet Daih Dangj doxdaeuj, Lungzlinz gak cuz ganbu ginzung haenqrengz buekguh, doidoengh gak hang saehnieb au ndaej cingzcik hungloet, ginghei fazcanj hwnghoengh, yinzminz gwn-daenj laebdaeb gajndeih, loegsaek fazcanj cwnghyauq mingzyienj, minzcuz doxgiet mboujduenh cukmaenh, gij eiqsik caezcaemh Cunghvaz Minzcuz youq ndaw sim daengx yienh gak cuz yinzminz roengz rag laeglaeg bae. Maqmuengh Lungzlinz gak cuz ganbu ginzung daj goek daengz byai dingmaenh au aen swhsiengj sevei cuji miz Cungguek daegsaek seizdaih moq Siz Ginbingz guh dazyinx, cienzmienh gvancez doeksaed gij cingsaenz Ngeihcib Daih Dangj, haeujlaeg gvancez doeksaed gij iugouz youqgaenj “haj aen engq hung” Siz Ginbingz cungjsuhgi doiq Gvangjsih daezok haenx caeuq buek cijsi cingsaenz youqgaenj de, riengz boux

lingxdaeuz fukhwng hungmbwk haenqrengz baenaj, giendingh mbouj bienq byaij diuzroen fazcanj sevei cuji miz Cungguek daegsaek, giendingh mbouj bienq doicaenh caetliengh sang fazcanj, giendingh mbouj bienq coicaenh doengzcaez fouqmiz, giendingh mbouj bienq henhoh minzcuz doxgiet cinbu, vih haenqrengz raiz biencieng Gvangjsih yendaiva yiengh Cungguek dem rengz dem rongh.

Gwnz hoih, Daengx Guek Yinzda Minzveij、Guekgya Minzveij Cuk-hohdonz boux Liuz Yoz de doeg gij hohdienh Daengx Guek Yinzda Minzveij、Guekgya Minzveij. Swcigh Daibyauidonz donzcangj、Swcigh fucujisiz Myauz Ging'vang doeg hohdienh Swcigh. Swcigh Daibyauidonz soengq hohbienj hawj Lungzlinz caemhcaiq biengbienj. Swcigh Daibyauidonz fudonzcangj, Swcigh Gaiq Daih Cibsam Yinzda Cangz-veijvei fucujyin Vangz Yozfeih、Swcigh Cwnghhez fucujisiz Vangz Cinvaz、Gvangjsih Ginhgih Cwnghci Gunghcozgis dayau cujiyinh Guh Hezveih camgya angqhoh daihhoh. Gij hozdung angqhoh swciyen laebbaenz youh lai youh ndei, angqhoh daihhoh hai sat le gawjhengz swciyen laebbaenz 70 hopbi cingzcouh langhbaej、ginzung vwnzyi biujyienj caeuq angqhoh swciyen laebbaenz vwnzyi vanjvei daengj baenz buek

hozdung, langhbaej 70 bi daeuj gij ginghei sevei fazcanj cingzcouh Lungzlinz liuxcaez.

Ngoenzhaenx lajbyonghngoenz, lij gawjhengz aen Hoih Codanz Ginghei Sevei Fazcanj Lungzlinz Gak Cuz Swciyen Laebbaenz 70 Hopbi, gyoengq boux Swcigh Daibyauidonz caeuq gyoengq boux daibyaui Lungzlinz gak cuz ganbu ginzung haeujlaeg gyaoulouz、caez lwnh hwnghat. Vangz Sinhfu nai heuh Lungzlinz gak cuz ganbu ginzung au laebdaeb haeujlaeg hagsib gvancez cingsaenz Ngeihcib Daih Dangj, ciuq Swcigh Dangjveij、Cwnghfuj gak hang gietdingh baijbouh, yawjnaek saedyauq、gyarengz saedguh、gaemmaenh doeksaed, haenqrengz doidoengh ginghei sevei caetliengh sang fazcanj, cienzmienh doicaenh lajmbanj hwnghoengh, mboujduenh daezsang gwn-daenj yinzminz, laebdaeb couqmaenh gij eiqsik caezcaemh Cunghvaz Minzcuz, gyaak dangj cienzmienh daiqlingx hong minzcuz, mbouj duenh raiz roengz biencieng moq Lungzlinz caetliengh sang fazcanj.

Ndawgyang angqhoh, Swcigh Daibyauidonz lij faen baenz 5 aen veivwn faendonz, daengz lajmbanj、hagdangz、yihyen、giyez caeuq gih-gvanh danhvei Lungzlinz, yawj nai gak cuz ganbu ginzung.

(Cinz Vwnzvuj Veiz Bungzyen/覃文武 韦鹏雁)



Lozcwngz: Dinfwngz Youq Ndang Couhnieb Mbouj Vueng

罗城：一技在手 就业不愁

4 nyied 2 hauh, 2023 nienz Lozcwngz Mulajcuz Swciyen aen ban sonlien dinfwngz canggyaeu caeuq bwzbyoem Gvangjdungh Gvangjsih doxgap youq Suenranz Mulaj banh gietnieb denlij, 80 boux daeuj camgya sonlien haenx lingx ndaej bonj cingq bizyez. Baez sonlien neix guh 6 ngoenz, iucingj Sinhcin Si Yenjdungh Cizey Ginwngz Yinlen Yozyau boux lauxsae son ak haenx daeuj sonhag, 80 boux vunzhong Suenranz Mulaj segih caeuq boux gyaaz dinfwngz canggyaeu camgya sonlien le, hag rox dinfwngz, daezsang couhnieb naengzlig.

Ndaw doz dwg 4 nyied 2 hauh, boux daeuj hag dinfwngz youq ndaw ban sonlien lienh bwzbyoem.

(Veiz Yuzdai ingj/韦如代 摄)